

*Zavod zdravstvenog osiguranja i reosiguranja
Federacije Bosne i Hercegovine
Sarajevo*

ODLUKA

*o kriterijima i načinu ostvarivanja prava na refundaciju troškova nabavke
lijekova navedenih u Odluci o listi lijekova fonda solidarnosti Federacije Bosne i
Hercegovine*

Sarajevo, aprila.2014. godine

Na osnovu člana 104. stav 1. alineja 15. Zakona o zdravstvenom osiguranju («Službene novine Federacije BiH», broj: 30/97, 7/02, 70/08 i 48/11) i odredaba Odluke o listi lijekova fonda solidarnosti Federacije Bosne i Hercegovine («Službene novine Federacije BiH», broj: 89/13) Upravni odbor Zavoda zdravstvenog osiguranja i reosiguranja Federacije Bosne i Hercegovine, na sjednici od 11.04.2014. godine, donosi

ODLUKU

o kriterijima i načinu ostvarivanja prava na refundaciju troškova nabavke lijekova navedenih u Odluci o listi lijekova fonda solidarnosti Federacije Bosne i Hercegovine

I

Troškovi nabavke lijekova koji se nalaze u Odluci o listi lijekova fonda solidarnosti Federacije Bosne i Hercegovine («Službene novine Federacije BiH», broj: 89/13 – u daljem tekstu: Odluka o listi lijekova), koje je osigurano lice nabavilo iz svojih sredstava, refundiraće se, ako ih u određenom vremenskom periodu kad su bili neophodni radi započinjanja ili u toku terapije, nije bilo na raspolaganju u zdravstvenoj ustanovi odnosno kliničkoj/bolničkoj apoteci, zbog zastoja u isporuci iz objektivnih razloga ili nestašice lijekova odnosno poremećaja na tržištu, pod uslovom da osigurano lice uz „Zahtjev za refundaciju troškova nabavke lijekova iz Odluke o listi lijekova fonda solidarnosti Federacije BiH“ (Obrazac br. 1 - u prilogu) priloži:

- Medicinski nalaz kojim se potvrđuje neophodnost primjene navedenog lijeka,
- „Potvrdu o stanju snabdjevenosti lijekova u kliničkoj/bolničkoj apoteci u periodu provođenja trapije“ (Obrazac br. 2 - u prilogu) parafiranu i ovjerenu od kliničke/bolničke apoteke zdravstvene ustanove u kojoj se provodi terapija i ordinirajućeg ljekara zdravstvene ustanove u kojoj se provodi terapija, da iz naprijed navedenih okolnosti zdravstvena ustanova nema na raspolaganju lijekove neophodne za provođenje terapije (navesti generički i zaštićeni naziv, oblik, jačinu i količinu) te da je pacijent (navesti ime i prezime pacijenta) upućen na nabavku predmetnog lijeka u apoteci, na teret svojih sredstava;
- original fiskalni račun apoteke u kojoj je izvršena nabavka lijeka iz prethodne alineje i
- broj transakcijskog računa otvoren kod banke.

Svojstvo osiguranog lica i posjedovanje Saglasnosti nadležne komisije o korištenju lijeka na teret sredstava fonda solidarnosti FBiH utvrdit će se u službenoj evidenciji koja se vodi kod Zavoda zdravstvenog osiguranja i reosiguranja Federacije Bosne i Hercegovine.

Izvodi iz službene evidencije, navedeni u prethodnom stavu, će se uložiti u predmet podnosioca zahtjeva.

II

1. Postupak za ostvarivanje prava na refundaciju troškova nabavke lijeka iz Odluke o listi lijekova u skladu sa odredbama ove odluke, pokreće osigurano lice podnošenjem zahtjeva.

Zahtjev podnosi osigurano lice ili njegov punomoćnik.

2. Zahtjev iz tačke I i II.1 ove odluke se podnosi Zavodu zdravstvenog osiguranja i reosiguranja Federacije Bosne i Hercegovine.
3. Osigurano lice je obavezno uz zahtjev odnosno Obrazac br. 1 priložiti akte iz tačke I stav 1. alineja jedan, dva, tri i četiri.

III

1. Direktor Zavoda zdravstvenog osiguranja i reosiguranja Federacije Bosne i Hercegovine rješava zahtjev iz tačke I i II ove odluke na način i u skladu sa odredbama Zakona o upravnom postupku(«Službene novine Federacije BiH», broj: 2/98 i 48/99).
2. Protiv rješenja direktora, osigurano lice ima pravo podnijeti žalbu Upravnom odboru Zavoda zdravstvenog osiguranja i reosiguranja Federacije Bosne i Hercegovine u roku od 15 dana od dana prijema prvostepenog rješenja.


IV

1. Žalba se neposredno predaje ili šalje poštom prvostepenom organu, koji je donio prvostepeno rješenje.
2. Prvostepeni i drugostepeni organ u postupku rješavanja po žalbi postupaju na način i u skladu sa odredbama Zakona o upravnom postupku.

V

1. Zavod zdravstvenog osiguranja i reosiguranja Federacije Bosne i Hercegovine vodić će evidenciju o broju primljenih zahtjeva, broju odbijenih zahtjeva i utrošenih sredstava po tom osnovu.
2. Sastavni dio ove odluke su Obrazac 1. i 2.:
 - Obrazac br. 1 - Zahtjev za refundaciju troškova nabavke lijekova iz Odluke o listi lijekova fonda solidarnosti Federacije BiH
 - Obrazac br. 2 - Potvrdu o stanju snabdjevenosti lijekova u kliničkoj/bolničkoj apoteci u periodu provođenja trapije
3. Stupanjem na snagu ove odluke, prestaje da važi Odluka o kriterijima i načinu ostvarivanja prava na refundaciju troškova nabavke lijekova navedenih u Listi lijekova u bolničkoj zdravstvenoj zaštiti koji se mogu koristiti na teret sredstava fonda solidarnosti Federacije Bosne i Hercegovine Upravnog odbora Zavoda zdravstvenog osiguranja i reosiguranja Federacije Bosne i Hercegovine, broj: 02/I-520/07 od 12.04.2007. godine.
4. Zahtjevi podneseni do 30.04.2014. godine razmatrati/rješavati će se u skladu sa odredbama Odluke o kriterijima i načinu ostvarivanja prava na refundaciju troškova nabavke lijekova navedenih u Listi lijekova u bolničkoj zdravstvenoj zaštiti koji se mogu koristiti na teret sredstava fonda solidarnosti Federacije Bosne i Hercegovine, broj: 02/I-520/07 od 12.04.2007. godine.
5. Ova odluka stupa na snagu danom donošenja, a primjenjivat će se od 01.05.2014. godine.

Broj: 02/I-01-1-1054-1/14
Sarajevo, 11.04.2014. godine



OBRAZLOŽENJE

I Pravni osnov

Pravni osnov je sadržan u članu 104. stav 1. alineja 15. Zakona o zdravstvenom osiguranju ("Službene novine Federacije BiH", br.30/97, 7/02, 70/08 i 48/11) i odredbama Odluke o listi lijekova fonda solidarnosti Federacije Bosne i Hercegovine («Službene novine Federacije BiH», broj: 89/13)

II Razlozi za donošenje

Razlozi za donošenje ove Odluke je obezbjeđenje ravnopravnosti u ostvarivanju prava pacijenata, odnosno omogućavanje ravnopravnog korištenja lijekova i onim pacijentima za koje su isti neophodni radi započinjanja ili u toku terapije u slučaju kada ih nije bilo na raspolaganju u zdravstvenoj ustanovi odnosno kliničkoj/bolničkoj apoteci, zbog zastoja u isporuci iz objektivnih razloga ili nestasice lijekova odnosno poremećaja na tržištu.

III Finansijska sredstva za refundaciju

Refundacija troškova nabavke lijekova iz ove Odluke će teretiti sredstva koja su planirana za lijekove finansijskim planom.

Ukoliko iznos refundiranih sredstava za lijek iz Odluke o listi lijekova prelazi iznos koji je postignut u posljednjem provedenom postupku javne nabavke za taj lijek, razlika iznosa može se obezbijediti/namiriti od dobavljača za taj lijek i to aktivacijom bankovne garancije, naknadom štete ili iz drugih sredstava u skladu sa pozitivnim zakonskim propisima.

IV Trajanje i stupanje na snagu odluke

Ova odluka stupa na snagu danom donošenja od strane Upravnog odbora Zavoda zdravstvenog osiguranja i reosiguranja Federacije Bosne i Hercegovine, a primjenjivat će se od 01.05.2014. godine.

Ova odluka dostaviti će se svim zdravstvenim ustanovama na teritoriji Federacije Bosne i Hercegovine u kojima se ordiniraju lijekovi iz Odluke o listi lijekova fonda solidarnosti Federacije Bosne i Hercegovine, u cilju upoznavanja navedenih zdravstvenih ustanova i pacijenata sa odredbama ove odluke i pravima i obavezama koji proizilaze iz iste.

ime i prezime podnosioca zahtjeva

adresa

JMBG

broj telefona/fax-a/mob.

elektronska pošta (mail)

kontakt osoba

Zavod zdravstvenog osiguranja i reosiguranja Federacije Bosne i Hercegovine
naziv organa koji vodi postupak

Sarajevo Trg heroja br.14
sjedište organa

PREDMET: Zahtjev za refundaciju troškova nabavke lijekova iz Odluke o listi lijekova fonda solidarnosti Federacije BiH

(tačka II. Odluke o listi lijekova fonda solidarnosti Federacije BiH - „Službene novine Federacije“, br. 89/13)

Dokazi koji se prilaže uz zahtjev su:

1. Medicinski nalaz kojim se potvrđuje neophodnost primjene navedenog lijeka;
2. Potvrda o stanju snabdjevenosti lijekova u kliničkoj/bolničkoj apoteci u periodu provođenja trapije;
3. Originalni fiskalni račun o kupovini lijeka ličnim sredstvima i
4. Broj računa otvoren kod banke.

NAPOMENA:

Dokazi pod tač. 1. i 4. prilaže se u originalu ili kopiji ovjerenoj od strane općinskog organa.

Svojstvo osiguranog lica i posjedovanje Saglasnosti nadležne komisije o korištenju lijeka na teret sredstava fonda solidarnosti FBiH, u skladu sa odredbama Odluke o kriterijima i načinu ostvarivanja prava na refundaciju troškova nabavke lijekova navedenih u Odluci o listi lijekova fonda solidarnosti Federacije Bosne i Hercegovine, utvrdit će se uvidom u službenu evidenciju koja se vodi kod Zavoda zdravstvenog osiguranja i reosiguranja Federacije Bosne i Hercegovine.

mjesto i datum

potpis podnosioca zahtjeva

LK. br. _____

(Naziv zdravstvene ustanove u kojoj se provodi terapija)

POTVRDA

o stanju lijekova u kliničkoj/bolničkoj apoteci na dan sprovodenja trapije

Kojom se potvrđuje da u kliničkoj/bolničkoj apoteci zdravstvene ustanove

_____ ,
danas _____ 20 _____. godine, nije bilo lijeka

(navesti generički i zaštićeni naziv, oblik, jačinu i količinu)
iz kojeg razloga je pacijent _____ upućen na nabavku
predmetnog lijeka u apoteci, na teret vlastitih sredstava.

Ordinirajući ljekar

Klinička/bolnička apoteka

_____ (potpis i pečat)

_____ (potpis i pečat)

Datum izdavanja potvrde: _____ 20 _____. godine